

nach der Geburt halten sollen.

wenn ein Weib eines Kindes frölichen
genesen / erste sorge seyn / daß das Kind
getaufft werde / sol die Eltern dahin hal-
ten / daß es bald durch das selige Wasser
bad der Tauffe von sünden gereiniget /
vnd zum Kind vnd Erben Gottes ges-
macht vnd gesalbet werde / vnd wo sie see-
hen / daß das Kindlein schwach ist / sollen
sie es Nottauffen / doch daß sie auch rech-
ten vnd Christlichen vnterricht von der
Nottauff haben / daß man zuvor bette /
vnd das Vatter vnser spreche / vnd daß
mans Tauffe mit Wasser / nicht mit
Bier oder Wein / oder was anders / vnd
daß mans Tauffe nach dem form vnd
weise von Christo befohlen / als inn dem
Namen des Vatters / des Sohns / vnd
des heyligen Geistes / Vnd wo ein sol-
ches Kindlein stirbt / so stirbt es seliglis-
chen / vnd ist recht getaufft / wo aber das
Kindlein am leben bleibe / sollen sie es
nichts desto weniger zu Kirchē tragē / vñ
den Priestern zeigen / vñ wo sie erkennen

R ij daß